

FOBANCORT OINTMENT

Sodium Fusidate (2.0% w/w), Betamethasone Dipropionate (0.064% w/w)

Apakah yang ada pada risalah ini

1. Apakah kegunaan Fobancort Ointment
2. Bagaimana Fobancort Ointment berfungsi
3. Sebelum menggunakan Fobancort Ointment
4. Cara menggunakan Fobancort Ointment
5. Semasa menggunakan Fobancort Ointment
6. Kesan-kesan sampingan
7. Cara penyimpanan dan perlupusan Fobancort Ointment
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang Fobancort Ointment. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Jika anda mempunyai sebarang kemusykilan tentang pengambilan ubat ini, tanya ahli farmasi atau doktor anda.

Simpan risalah ini bersama ubat. Anda mungkin perlu membacanya lagi.

Apakah kegunaan Fobancort Ointment

Fobancort Ointment digunakan untuk jangkitan kulit radang, psoriasis dan mana-mana jangkitan kulit yang disebabkan oleh kuman seperti *Staphylococcus* dan *Streptococcus*.

Bagaimana Fobancort Ointment berfungsi

Fobancort Ointment mengandungi bahan-bahan aktif sodium fusidate dan betamethasone dipropionate.

Setiap gram salap mengandungi 20mg sodium fusidate dan 0.64mg betamethasone dipropionate.

Sodium Fusidate adalah antibiotik yang memberi aktiviti antibakteria terhadap kuman (bakteria) pada kulit.

Betamethasone Dipropionate adalah sejenis *corticosteroid* (steroid) yang membantu untuk mengurangkan bengkak, kegatalan dan kemerahan kulit.

Sebelum menggunakan Fobancort Ointment

Bila tidak boleh menggunakan

Jangan gunakan ubat ini sekiranya:

- Anda hipersensitif terhadap mana-mana bahan ubat ini atau ubat corticosteroid yang lain.
- Anda menghadapi jangkitan virus kulit, batuk kering, *acne rosacea* (sejenis jerawat), jangkitan kulat kulit, keradangan kulit di sekeliling bibir dan ulser.

Sebelum anda menggunakan Fobancort Ointment

Maklumkan ahli farmasi atau doktor:

- Sekiranya anda mempunyai jangkitan pada kulit dan nyatakan kawasan jangkitan.
- Jika anda menggunakan mana-mana ubat yang memerlukan preskripsi atau ubat-ubatan tanpa preskripsi atau produk kulit.
- Jika anda menggunakan pada anak kecil kerana penyerapan sistemik boleh berlaku dalam penggunaan secara topikal menyebabkan kerencatan pertumbuhan. Oleh itu, langkah berjaga-jaga yang sesuai juga perlu diambil apabila merawat *stasis dermatitis* (keradangan kulit pada bahagian bawah kaki) dan penyakit kulit lain yang peredarannya terjejas.

Kehamilan dan penyusuan badan:

- Tanya doktor atau ahli farmasi anda untuk mendapatkan nasihat sebelum pengambilan ubat ini sekiranya anda hamil atau menyusu badan.

- Tiada rekod menunjukkan ubat ini selamat digunakan semasa kehamilan dan laktasi (penyusuan).
- Terdapat bukti menunjukkan bahawa ubat ini boleh menembusi lapisan plasenta dan dikesan di dalam susu badan.

Jika mengguna ubat-ubat lain

Maklumkan ahli farmasi atau doktor anda sekiranya anda sedang mengambil apa-apa produk lain (misalnya ubat yang dibeli di kaunter, ubat yang dipreskripsikan dan produk-produk herba).

Terutamanya, beritahu doktor atau ahli farmasi anda jika anda sedang mengambil Penicillin sebelum anda mula mengambil Fobancort Ointment kerana ubat-ubatan ini boleh beinteraksi antara satu sama lain.

Cara menggunakan Fobancort Ointment

Berapa banyak harus digunakan

Sapukan ubat dua kali sehari. Rujuk kepada dos yang dicadangkan oleh doktor atau ahli farmasi anda.

Jangan berikan ubat ini kepada kanak-kanak di bawah 2 tahun. Berunding dengan doktor dan ahli farmasi sekiranya ingin memberikan ubat ini kepada kanak-kanak tersebut.

Bila perlu digunakan

Sapukan ubat selepas membersihkan bahagian yang terjejas.

Berapa lama perlu digunakan

Rujuk kepada doktor atau ahli farmasi untuk tempoh rawatan.

Jika terlupa menggunakan

Gunakan dos yang terlepas sebaik sahaja anda mengingatnya. Penggunaan seterusnya adalah seperti biasa.

Jika mengguna berlebihan (terlebih dos)

Penggunaan yang berlebihan tidak akan menyebabkan sebarang kesan yang merbahaya.

Jika anda mengesyaki bahawa anda terlebih dos, sila rujuk doktor atau ahli farmasi anda. Bawa bersama baki ubat dengan anda.

Semasa menggunakan Fobancort Ointment

Perkara yang perlu dilakukan

Jika anda akan mula mengguna sebarang ubat baru, maklumkan ahli farmasi atau doktor anda bahawa anda sedang menggunakan Fobancort Ointment.

Hubungi doktor jika anda mengalami penglihatan yang kabur atau gangguan penglihatan yang lain.

Perkara yang tidak boleh dilakukan

Jangan guna Fobancort Ointment sekiranya anda mengalami iritasi atau sensitif selepas menggunakan ubat ini.

Perkara yang perlu diberi perhatian

Ubat ini tidak boleh digunakan di dalam atau kawasan berhampiran mata. Jika ini berlaku, basuhkan mata anda dengan pencuci mata. Mata anda mungkin menyengat. Sekiranya anda mengalami sebarang masalah penglihatan atau mata sakit, hubungi doktor anda dengan segera.

Jangan guna ubat ini dalam jangka masa yang lama, melainkan doktor atau ahli farmasi anda telah memberitahu anda.

Jangan telan ubat ini. Kuantiti kecil tidak akan menyebabkan apa-apa kemudaratan. Jika anda tidak sengaja menelan dalam kuantiti yang banyak, sila hubungi doktor anda dengan segera.

Kesan-kesan sampingan

Fobancort Ointment boleh mendatangkan kesan sampingan

yang tidak diingini pada segelintir orang. Semua ubat boleh mendatangkan kesan sampingan. Kadang kala ia serius, tetapi kebiasaannya ia tidak serius.

Reaksi hipersensitiviti dalam bentuk ruam dan kerengsaan boleh berlaku selepas penggunaan secara topikal. Kesan sampingan setempat yang dilaporkan adalah:

- Rasa terbakar
- Gatal
- Kerengsaan
- Kekeringan
- Folikulitis (keradangan folikel rambut)
- *Hypertrichosis* (pertumbuhan rambut yang berlebihan)
- Jerawat meletus
- Perubahan warna kulit
- Kulit menjadi lembut
- Jangkitan sekunder
- Kulit menjadi nipis
- Tanda regangan
- Ruam panas
- Penglihatan kabur

Dos kortikosteroid yang tinggi boleh menghasilkan gejala-gejala yang biasa dijumpai dengan hipersensitiviti pada korteks adrenal seperti 'moon face' (muka menjadi bulat dan sembab), pertumbuhan rambut pada wanita yang tidak diingini, bonggol di atas bahu, kemerahan, kadang-kadang menjadi 'Cushing's Syndrome'.

Berhenti guna ubat ini dan mendapatkan bantuan segera jika anda mengalami: kesukaran bernafas, muka dan tekak membengkak dan kulit ruam yang teruk.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers* → *Reporting Side Effects to Medicines (ConSERF) or Vaccines (AEFI)*].

Cara penyimpanan dan perlupusan Fobancort Ointment

Penyimpanan

Simpan di bawah suhu 30°C. Simpan di tempat kering dan sejuk serta terlindung daripada cahaya. Simpan jauh daripada jangkauan kanak-kanak.

Pelupusan

Ubat tidak boleh dibuang ke dalam sisa air. Buang ubat selepas tarikh luput.

Maklumat lanjut

Rupa dan warna produk

Fobancort Ointment ialah salap tidak berwarna. Ia boleh didapati dalam tiub aluminium 5g dan 15g.

Bahan-bahan kandungan

Bahan-bahan aktif:
Sodium Fusidate 2% w/w dan Betamethasone Dipropionate 0.064% w/w (setara dengan Betamethasone 0.05% w/w).

Bahan-bahan tidak aktif:
White Soft Paraffin dan Liquid Paraffin.

Nombor MAL

MAL19987364AZ

Pengilang dan Pemegang Pendaftaran Produk

HOE Pharmaceuticals Sdn. Bhd.
Lot 10, Jalan Sultan Mohamed 6,
Bandar Sultan Suleiman,
42000 Port Klang, Selangor,
Malaysia.

Tarikh kemaskini RiMUP

27/07/2021

Nombor Siri

NPRA(R2/1)210727/720